



東江詩鈔卷第六

太倉唐孫華實君橐

——受業陸

師巢

雲編

進呈 御覽詩一百韻

紫極三辰正黃圖九域清溥天歸化育率土樂昇平視
政殷宵旰勤民恤里閔齋心居乙帳論事集延英肅法
齊千品張綱振八紘慶雲環太甲和氣暢由庚蠲賦頻
求瘼祥刑念好生喁喁物各喜蕩蕩德難名厚地安持
載高穹荷覆帔梯航通海國俎豆序膠鬲 聖學探淵
奧 皇風聽震旬大文陳禮樂 神武掃欃槍醜類真
么麼方隅敢觸撓障隄從始漏翦蘖在方萌已覺窺覲



久微聞種落并暗干防水域安寢厭宵蟲林莽駢頭伏
關亭閃眼偵誰云境外癘此亦鐵中錚虓虎方多士妖
狐敢竊鳴顧非關肘腋漸恐擾邊氓 聖治今無外

王師古有征機宜難遠度 神略決親行日麗風清道
塵銷雨洗兵山呼 萬乘出轂轉百神迎戍卒烏蘭塞

將軍細柳營絳天殷立幟震地動鳴鉦陣挾風雲氣弓
彎霹靂聲指麾由 睿算論議屈群卿彌野張羅絡先

幾定弈枰獸窮那敢觸魚急已將烹 天動人誰測星

馳衆共驚寒沙豐草茁乾磧醴泉盈信有神靈助何容
狡黠爭雲霄開 帳殿虹蜺入聲涌長城飛走逢置弋奔

逃竄棘荆紛紛俱縊谷籍籍竝填阬按穴丘無貉因糧

敵有牲乞降都未許合燼勢難撐卵墮巢皆毀烏啼幕
遽傾請釘甘鐵鎖乳藥泣金嬰橫草英雄笑捐生僕妾
輕磔堂空類鼠築觀耻非鯨拘怒休軍銳戢戈戢士勅
一戎清朔漠百日息衝朝犀兕齊山積牛羊遍谷橫殲
渠供釁鼓飲至聽吹笙鞭策羣材奮謨謀 聖畫精乾
施同闔闢神運幹璣衡恩用三驅宥功惟一斷成懸街
懲逆部頒朔奉春正奏凱鐃歌入行軍紀律明飽騰知
氣壯嚴肅見師貞邊地勤輸輓徵徭念踐更盡蠲所過
賦務使有餘贏西土銜恩日南方望幸情金隄憂汎濫
石堰擊磻鉤下澤生蒲葦良田但芋羹輸將寬萬戶歌
舞遍千甍民事方勤穡 皇心厪省畊日華臨海國雲

罕出 神京鏞鼓馮彝擊珠盤鮫客擊雙龍扶畫舫萬
馬罷郵程河復帆千里波平鏡一泓渡頭看鷺白勞尾
息魚賴川后歸時若靈胥聽使令浮沙除老葑沃土秀
香秔茂苑多芳草吳山列翠桁臣僚瞻 日角父老盼
霓旌黃道方諏吉青陽正放晴民同率舞獸樂和嘒枝
鶯得近 天顏笑欣逢春物榮碧絲飄弱柳紅雪落朱
櫻林下聞歌曲花邊聽賣錫光風吹巷陌喜氣匝寰瀛
耆艾爭扶杖群官肅佩珩 行宮百子帳 御酒萬年
觥烏鳥聲皆樂魚龍戲各呈綵舟行蕩漾水調奏咿嚶
途擁看仙仗牕開挂曲瓊儒臣濡翰簡毅將把弓檠翠
野千疇麥朱絃十里箏不將凋戟禦許聽玉鸞聿 聖

壽齊嵩祝 宸遊燕鎬賡炷香紛耆耄額手雜童嬰曆
願過軒昊齡當邁錢彭黃星騰瑞靄朱草茁休禎稔黍
家家足壺漿處處盛歡聲吳甸沸望眼越民瞪梅嶼孤
峰迴蘭亭曲水縈湖山增氣色巖壑倍崢嶸 御筆星
辰燦 天章日月晶八荒韜劔甲萬舞聽咸韻朔塞風
塵靖芳郊品物亨微臣叨 獎擢仕路感孤憫學短慚
窺管才疎敢請纓賦非擲地響榮荷 自天評乘傳方
千驛驚弓墜一抨蓬茅憐久卧葵藿但微誠 高厚恩
何報春暉寸草莖

題吳門范氏秋夜課子讀書圖

天高氣沈寥風葉鳴燮燮翩躑媚學子玉雪秀兩頰弱

年不好弄箴規在佩鰈正當涼秋夜憑几親簡牒何用
黃金籛有書正滿篋清風動竹梧易絺初衣袂琅琅洛
生吟聲與琴筑叶乃翁自正襟孺子方負笈男兒十五
志千里看蹀躞善學在漸涵善教無凌躡鑽厲苟不休
雲霄竚可躡昌黎訓符郎勿負新涼節見昌黎符城南讀書詩能
如甯越勤安用夏楚懼何限綺紈兒栩栩方夢蝶

周礫圃被盜竊書硯作嘲盜詩戲和

蠹卷叢殘費討尋陶泓歲久墨痕淡生平詩械都收捲
似勸先生罷苦吟

壞壁空梁落蠹魚肯披蓬翟顧荒廬從今腹笥防窺瞰
莫向人前臥曬書

從古文人只善偷偷任偷沈竝風流邢子才偷任昉憐
魏收偷沈約
渠鈍賊成何用餅肆漿家一擲休

壽張大將軍

富平家世本通侯玉帳油幢借運籌北斗旌旗開壁壘
南天鎖鑰控襟喉平淮績倚先人劔表海勲傳尚父卣
聞說羣英羅幕下好攜賓從上南樓

承恩 旃殿語從容奕葉功名上景鐘載酒偶過黃歇
浦擁書仍對陸機峰風清虎帳閒宵柝月射鮫波偃夕
烽應念留侯遺績在辟疆行復受重封辟疆張
子房子

宮怨堂以詩見寄次韻奉答

脈脈離情水一隅瑟居無伴攬吟鬚人間捷徑都爭巧

世上夷途合就愚

韓詩歸愚
識夷途

文詠追陪慚島瘦酒杯酬

勸廁辛迂

辛立度性迂嗜酒故
白詩云笑勸迂辛酒

知君二頃荒蕪甚尚有

元龍意氣無

京雒翻飛感歲華書來餐飯爲君加每鋤黃獨攜鏡柄
未辦青錢上畫叉自別心交疎酒殘久拋官俸絕網茶
據鞍遙憶方彊健揮手鄉關席帽斜

送宮恕堂北上

昨朝丹鵲送君書珠玉天邊落咳唾慰言殷勤問起居
兼有新詩邀我和吾才豈足抗顏行邾莒先驚晉楚大
更披全集眩光芒使我低頭拜欲爰挫竒情直按月脇
穿險語更驚鬼膽破長安憶昔數追陪文匠詩豪常滿

座分題擊鉢佇成篇苦似兒童遭督課叉手看君筆不
停峽倒波翻傾四坐我從左謫謝修門漳濱寂寞劉楨
臥聞君西笑且搖鞭灰洞炎塵方堀堞妬他雛鳳早翻
飛自負迺翁才亦頗縱教膝下佩金魚豈若好官身自
作只今交舊盡嗚珂推挽寧無一人佐莫謂門高各避
嫌邇來君亦多摧挫十年浪走橐金空水沒汙萊失畊
播河伯相君如祝融參元失火應同賀况今名俊盡騫
騰遺佚竒才只一箇此時若不借吹嘘王貢交期今則
那祝君努力取科名策足高衢慎毋蹉重向蘭臺續勝
遊西園聯轡仍頻過諸公倘若訊衰翁爲說蓬門正窮
餓

南廣寺訪印公大師

槐影綠碕岸籬門識梵林苔痕三徑寂竹氣一堂陰煙
冷山廚薄泉寒古井淡無煩供筍蕨迨暇更相尋

夏日雜詩八首

群萼時將歇芳蘭乍有花香浮綠茗細影拂素屏斜餅
綆通新水瑤簦茁早芽無人自芬馥不採復何嗟

蔬藪時充饌蒸壺亦上槃偶來文字客同飽腐儒餐酒
向牆頭過書容帳底看窮交餘老輩竟日肯盤桓

良友知我好竒花餉兩罌

穆子言美餉子嶺南花二種

蠻鄉何日到

土俗不知名灌漑千朝力舟車萬里程物希人自貴香
帶晚風清

京雒書頻至皆言旅况艱不知綠底事只是戀微官車
馬風塵苦蘧廬俯仰寬魚羹隨處有王荆公云何處無魚羹飯喫無
夢到長安

天幕悠然大中庭對孟光星臨雲漢濶露洗月華涼扇
動蒲葵影釵銜茉莉香莫辭井臼苦偕隱鹿門長

翕赫羣陰伏恢台萬象滋人聲風露下花氣曉涼時蟬
喜移淡樹蟲憐觸網絲此生爐冶內寒暑本無私

凍雨今方歇

爾雅暴雨謂之凍雨

清風若可呼家人供茗粥野老

餉瓜壺竹榻當牕置桃笙就地鋪可憐襪襪客擾擾正
塵途

爽氣生涼夜亭亭吟日西露催陰蛭動風折水螢低晚

計甘蓬屋餘生仰稻畦安眠常徹曉不復舞鳴雞

哭錢宗岐十四韻

拔萃才偏秀彭城首數渠獨違家世學頗好古人書一
芥輕科第千編富積儲文章得我愛少小即相於竝銜
燕臺駿同騎朔雪驢玉憐三獻泣黻讓兩兄紆坦易誰
如子箴規不厭予乍交肝肺吐被酒語言疎牢落依宗
袞艱難臥井閭形骸皇甫廢志願尚平虛羽鍛摩霄鶻
鱗摧涸轍魚而翁推長厚之子擅才諳玉樹偏搖落芝
蘭忽剪鋤斯人竟窮死天道果何如

早行

舟行趁早涼平波淥瀾瀾曉露方未晞殘星落秋水漁

罾晚不收估舶朝猶樣野氣入篷牕輕衫聊徙倚柔艣
破蒼茫清風動蘋芷須臾柳陰中人影炊煙起

早秋雜興次江位初韻

素秋欣比故人逢身似頑銅怕火鎔羊角風生時有籟
魚鱗雲起不成峰較量身世宜中隱約略生涯倍上農
聞說木棉今歲好擬儲緼絮備三冬

似雪麻衣喘息存君親無地答深恩強施冠幘霜毛
短裁展詩書霧眼昏苔倚高陵原易槁竹生泰岱本孤
根經營馬鬣今麓就手植松楸漬淚痕

西顛纔臨日尚長新杭初試粥匙香蠅如時態猶爭熱
蛩異人情但逐涼身病未謀餐玉法家貧妄想化金方

北牕一枕羲皇夢只有無何是我鄉

忍窮瘦骨尚峻增暘睽看他鬼可憎世上競趨宵蚋火
人間難語夏蟲冰材疎尺寸終何補福過分毫總不勝
欲待涼宵親卷帙青熒還對短檠燈

空堂莞結自幽幽歲序俄看到蓐收佳境誰能全蔗尾
危塗且勿上竿頭老知世事皆芻狗拙任時人笑土牛
擬踐故鄉諸弟約扁舟好趁桂花秋

聞毀明逆闖魏忠賢墓

明運昔標季掾人亂紀綱振瑾扇其燄流毒極魏璫時
主問蛙鳴奸闖任鴟張國柄倒太阿祖訓裂隄防發憤
批逆鱗倡勇左與楊赤車徧收捕緹騎走四方鉤黨悉

名賢錄牒紛刊章黃門北寺獄沉冤塞穹蒼彭考具五
刑畢命隨土囊孤忠歸視死慷慨悲膺滂回天兼獨坐
妖孽踰愴璜誰爲楊司隸城門磔豺狼百官供指麾鞭
策如驅羊或願充義兒螟蛉附末行軍政由掌握奴隸
羽林郎聖媯互連結中宮搖玉牀累朝遺帑藏盜用揮
糝糠祠廟遍天下金碧爭輝煌街坊伏邏卒偶語死道
旁法官任心膂攘袂作虎張乾坤同塲黷日月淪精光
三臺坐呼召六壘行自將居然僭帝制但未坐明堂擢
髮數其罪輟裂豈足償繼照明未融國殄由人亡風煙
石馬泣荆棘銅駝荒爰書久昭灼餘孽猶披猖西山擇
爽塏衣冠掩黃腸鯨封未築觀狐窟虛薶藏白玉刻柱

碣丹腹潤雕牆豐碑湧鼻肩松柏鬱相望思陵尚蓬顯
忠血灑北邙巨奸爾何爲柳翼送輜輶過者皆憤歎恨
不縱斧斨矯矯張侍御正論排天閭千牛倒巨碣萬錘
鏟崇岡赫赫行雷火豐隆助奔忙瀦此凶穢地蕩爲樵
牧場跛牂任踐踏野燎當祛穰獨悵窮竒骨不隨灰燼
揚易代示明罰作戒垂百王檮杌宜誅翦驕馬禁騰驤
有明任閹宦末禍同漢唐諸陵遂丘墟秋草空茫茫

約諸同人小集雨阻悵然

霽景重陽後連宵天氣佳及此明月夜思與數子偕桂
華雖銷落餘香留小齋貧家會客稀蔬藪麗安排異彼
豪華子高堂儻優俳願聞風雅言清談破淫哇天胡不

少假長空黯沉霾久晴雨亦宜獨於此日乖晨牕風雨
聲雞鳴雜喞喞簷溜懸不斷泔泔滴空階吾友各衰年
衝泥怯芒屨敢以酒食細致累疲筋骸共此一城中邈
然若天涯默坐展書卷何以散我懷日月竟何往清光
受淪埋落葉滿庭隅烏雀噪荆柴杯酒關 緣良會靳
吾儕陰晴尚無定凡事誠難諧

次韻酬吳振西

振西爲張西
銘先生外孫

敢同任昉聚蘭臺素友相攜接衽來白髮霜頰耆老會
青袍烏帽少年才亂蛩荒徑凌晨掃羅雀閒門傍晚開
不厭貧家無好食欣看屐齒破蒼苔

老輩踈狂比散仙凌雲才調羨丁年吳鈞聲價千金重

蜀錦文章五色宣

陸機文賦若五色之相宣

暝暗久憐珠玉棄簸揚

翻遣秣糠前中郎餘慶傳羊傳暫阻丹梯莫愴然

羊叔子為

蔡中郎外孫

禾黍蒼茫話兩京故宮遺跡感華清觸蠻爭戰戈矛罷

朔蜀銷亡壁壘平談笑不須論博局恢諧一任絕冠纓

樽前世事關心少高詠何妨似洛生

坐次偶話明季事

黍飯先期辦宿春坐忘賓主見優容雨過晚薤根方美

霜染秋林色未濃自顧枯葭慙玉樹敢將錯綵妬芙蓉

片雲何意催歸去不待城樓報晚鐘

題王麓臺杜陵詩意畫冊

秋山木葉飛颺颺一夕微霜染林麓翠柏丹楓互蔽虧

陽崖陰壑相迴復秋城擊柝寂無聲雉堞逶迤勢連屬

近郭樓臺何處村朱閣凌空挂疎木白鹽赤甲鬱縱橫

恍疑杜老來巴蜀為是東屯為瀼西三間似有秋風屋

髯卿絕藝今無儔蹙歛溪山歸尺幅心穿幽岨入谿谷

含毫神授車箱谷十日一水五日石倔彊何曾受迫促

百折煙嵐淡間濃千章雲樹黃侵綠元氣蒼茫真宰愁

神丘鷹鷂山精伏浣花詩翁若可呼大癡墨妙堪追逐

彭城先生寄趣淡十二奇峰羅玉軸蕭疎宛覺商飈生

珍惜休教寒具觸我買吳綾欲寄將乞寫白沙連翠竹

題李元埜騎牛圖

長安日日驅華轂挾鞞爭隘多傾覆眼光射背心不平

何似山中騎鵝鯨楊柳風吹褰短衫茸茸細草平坡綠
李郎高才復少年曠息青雲看一蹴偶然乘興踏春蕪
烏犢安閒逐樵牧人生豈必駟馬車叱犢尋遊恣所如
蒲山公子非雄桀枉自區區挂漢書

四弟筠令貧無居止予於雙鳳故里買屋數椽使
之移居特往省視喜賦

貧無先業庇孤露最憐渠蓬室豈為華卜遷且安居時
致甌石餉朝夕給所須我困倘未空寧忍獨贏餘歸林
看倦鳥投淵樂潛魚生平走四方垂老思鄉間今焉買
此宅分割亦我廬屋後闢場圃花木自扶疎抱甕自汲
灌四時足嘉蔬曖曖夕陽下牛羊各歸墟行當遲我來

耦畊竝荷鋤槿籬時補葺庭戶潔掃除衣食取才足豈
必謀積儲不見古名賢吟菽常晏如

哭從外祖孝廉蔗菴孫公

才筆承先世科名讓哲昆

兄扶桑公
戊戌狀元

脫身魑魅窟歸隱

鷺鷗村詩律真無對琴書賴有孫重披懷舊集淚漬兩

眸昏

公刻懷舊集
委子作序

一飯牀前語溫顏笑口開

去冬詢公病留子牀前同飯
訂看花之約公有詩見集中

猶言采藥罷便擬看花來病淺庸醫誤才高鬼伯催竟
虛載酒約落葉朔風哀

哭顧觀廬侍郎

友道今何有如君古誼存慎能銷衆忌謙不覺官尊共

惜斯人沒誰令薄俗敦哀榮典禮備終始是君恩
憶我窮途日君方直禁林每言此士屈獨見古人心時
置平原酒曾分鮑叔金彥先今不再流淚灑清琴

再哭蔗菴公

憶曾陪燕坐歷歷話窮邊靈藥滋泉味新糜助割鮮流
離亭伯路飄泊幼安船多難身偏健翻摧佚老年
吾谷西阡好丹楓映翠微煙霞四面合錦繡一峰圍人
已騎鯨去魂應化鶴歸絕勝薶朔漠先隴得相依

重陽日雙鳳新居看桂與歸天五周羽良樂友胡
馭洲及諸弟泥飲

叢桂常年開八月今年重九桂花新徑通小圃垂金粟

杯對秋風動酒鱗晚歲漸驚相識盡老懷偏覺故鄉親
茱萸簪罷生遙憶寥落江村少一人

伯兄遠
客不至

挑菜

手灌寒蔬栽滿畦息息婦孺各提攜晨霜未重瑤簪直
曉露方晞玉箸齊碧水濯來宜曬曝青鹽糝罷謹封泥
書生食籍聞前定應許支消百瓮藿

某公輓詩

貧賤苦日長富貴能幾時躡屩入長安馬隊充經師一
朝乘際會獻策上彤墀名位既翕赫抽簪未云遲曼聲
奏淥水豔色陳蛾眉龜年擊絃管靜婉鬪腰肢舞席紅
瓊瑜酒香碧琉璃黃雞催短晝白日寢以晷中宵續息

閉華堂絕履綦瑣牕生暗塵玉瑟蒙網絲淒涼總帷側
哭聲誰最悲前有魚里優後有高樓姬觀優至於魚里見左傳

和錢再亭京兆寄園詩

係京兆外家故園

名園偏隱市闌中略約斜穿石徑通倚檻春波浮淨淥
鈎簾花雨落霏紅峰巒不改煙霞色草木新經長養風
曾是微之夢遊地斷雲殘照哭韋叢韋叢元微之夫人
冰清彥輔自風流畫筆詩情寄一丘預為閑居榮綠野
似綠貴壻起朱樓烏啼春晝池塘寂草長間堦花竹幽
留待濟時功業就東山應侍謝公遊

喜同年陸匪莪卜居鄰竝

與君同籍最情親聞說街西卜築新恰喜夾漳居竝宅

好因祭竈請比鄰酒杯呼取應非遠步屨經過莫厭頻
更有樂天餘願在子孫長作隔牆人樂天喜元八侍御卜鄰詩

壽王隨菴八十

早蜚英譽占詞壇地望雲霄尺五看劉氏孝儀原有筆

劉孝儀於兄弟行第三故其兄孝綽云三筆六詩

荀家公行獨無官

荀淑第三子靖隱居

不仕人稱一門花萼爭春旭百尺蒼松耐歲寒自是神
全由養性延年不用間還丹

翛然鸞鶴出風塵齒宿驚看才力新潑墨煙雲通變化
揮毫瘦硬見精神學撰元本非干世詩造冲和總近人
莫歎階前蘭玉少文孫犀角早嶙峋

辛巳除夕

荏苒光陰餞別輕星迴斗轉只三更綵衣尚憶兒童戲
斑駁空傷老大情歲稔人家餘臘釀冬和鳥語作春聲
自憐塵世推排久孽鏡休嫌白髮生

壬午元旦

椒花柏葉上春筵歲月俄驚矢激弦衆裏敢爭先酌酒
人前難諱共知年生來癡拙何從賣本少聰明不用鞭
但祝此身強健在風光先度早梅天

歲星重轉孟陬辰坊巷桃符處處新木榻鋪氈猶舊物
地爐煨芋得閒身紅牋投謁千門沸黃紙蠲租萬戶春
聞說翠華南幸近九旂遙望屬車新

新歲遣興

連年豐稔遍千村特詔蠲租下九閭歲閏三冬餘臘
氣政寬四野動春溫待看扶醉人歸社不怕催科吏打
門自幸生逢堯舜日耕煙犁雨總君恩

翠陌行招轉蕙風晨冰欲坼未全融屠酥遲把殘樽綠
榼杳添燒宿火紅事到暮年都草草書過老眼半怱怱
稚孫閒看堂前戲鑷白驚聞喚阿翁

匪莪移居鄰竝志喜

買鄰不費十千貲洒掃華軒盡室移酒熟欲窺新醉瓮
吟成遙讚隔垣詩二株春柳連三徑用張融陸慧
竝宅事兩岸
飛花共一池只恐鶴書徵召速陸郎依舊趣斑駁

偶成和江位初

爭傳朱戶鬪豪奢
火樹金枝燦九華
狎客傳觴多膝席
伎場腰鼓沸摻過
不辭歌舞千金費
贏得兒童萬口誇
最是夜臺憐寂寞
鬼燈慘澹照松花

聞張允文罷官

登科猶壯歲
皓首困迍邅
斟酌宜中考
蹉跎入暮年
早辭履道宅
未買灤谿田
十口攜家累
應尋贛水船
終作囚籠鳥
旁看出谷鶯
人誰憐故舊
時正薄科名
宦味真如水
官評未道清
金閨通籍久
同輩半公卿

聞野弟貽眼鏡十六韻

少日晶光發
頻年老態增
聞聲能應對
展卷只懵騰
玩月雲重翳
看花霧一層
晚研心尚在
精討力難勝
瓊寶

欣初得頽齡
乍有憑截肪
真似玉沁雪
直疑冰忽閃
青天電俄褰
紫石稜便將
輪比蝨不怕
字如蠅景逼
崦嵫暮光猶
曉谷升聊濡
晨露墨更蒸
夜牕燈用以
因時貴材宜
應急稱重瞳
非項籍精采
尚徐陵影入
玻瓈動空涵
水月澄一朝
開寶匣十襲
裹緹繒了了
臨文審明明
下筆能殘年
復何事猶欲
理籒滕

壬午歲 特詔蠲江南租賦恭述三首

天書黃紙布
春溫歌舞懽
呼處處村蜡
饗有人吹葦
籥石壕無吏
扣柴門文章
未報涓埃力
畎畝終蒙覆
載恩從此寬
閒皆帝力餘
生俯仰任乾
坤

江南比屋競
奢華計算高
貲有幾家翠
管醉殘山徑
月

紅裙踏遍曲塘花，窈窕兒挾瑟隨紈綺。貧女停機問綺紗，莫負聖人憂卹意。好將勤苦事桑麻。

九重恩命罷輪將，萬姓歡騰百吏忙。閭里共媮半載逸，長官却抵一年荒。雞豚且得修春社，鼠雀何從盜太倉。聖主深仁正汪濊，普天翹首望循良。

送讓公之雪竇兼柬二三故人

知君尋祖席，遠汎甬東船。十里銜珠碯，千層瀑布泉。海雲低入戶，山鳥下聽禪。回首婁江寺，蒼茫落照邊。

東越論名士，清寒白屋多。頻年疲道路，何日出巖阿。海國蓬山樹，楓江笠澤波。遠公應接席，爲問各如何。

上巳日張萬園約同周礫圃江位初西城觀桃花

躡屐西城路，未賒紛紅駭。綠鬪春華芽，檐繡錯千層。錦麥壠濃熏，萬樹霞竹裏。行廚催饌玉，林邊野衲解分茶。正憐上巳風光好，莫遣來遲悵落花。

穠華滿眼正氤氳，蠻榼提攜醉晚曛。陌上暖風蒸紫霧，谿邊倒影漾紅雲。春光容易過三月，花事難逢到十分。殘照忽看籬落外，天姿相映客顏醺。

五舫詩爲同年狄向濤太史賦

翰林才子年方壯，賦就凌雲肯誰讓。一官頗厭承明廬，文酒風流自跌宕。三年歸臥投金瀨，愛弄煙波凌滉漾。今春貽我雙鯉書，爲說清遊裝五舫。一舫貯風月，疏牕宜四望。美酒金箏置兩頭，欸乃聲中小海唱。一舫載名

花海棠春始放花枝斜倚鏡臺前晚妝人倦嬌相向一
舫挂輕帆桃花水初漲直沽南下捷如飛嫋嫋春風吹
五兩一舫便晝遊水檻延朝爽竹淡荷淨納涼時雪藕
親煩玉手餉更有偏舟小月隨名舫蘆花夜月微風颺羨
君樂事比神仙春水初生坐天上羊侃翻嫌妓樂多志
和終哂寒乞相似君妝點正相宜塵世居然得蓬閣仕
路危同虎臂灘盤渦欵忽逢風浪富貴難期萬戶侯蕭
灑應輸五湖長何似翩然一葉遊黃帽船頭擢烏榜風
簾對月詠蒼茫水枕看山容偃仰捲綽收帆我早歸白
頭猶幸渾無恙岸上牽船少定居亡舟夜壑休惆悵笊
箸隨身學漫郎楓江笠澤間來往仙舟儻汎洞庭雲蟹

舍漁灣一相訪

同年沈昭嗣明府談杭州西谿之勝

西湖天下奇遊屐紛招邀名高物爭逐頗亦厭誼嚙吾
聞沈侯言西溪乃神臯岸狹不通馬港小僅容舸梅花
二十里萬樹堆瓊瑤冷雲橫素練漠漠寒香飄村廬數
百家安居謝征徭製器翦篔簹刀削手各操曖曖桑麻
區生事有餘饒淡巷啼午雞落日見漁樵桃源與蓬島
仙界疑未遙沈侯真靜者道勝神逾超辭官歸養母恥
折五斗腰便腹貯經史懷古歌唐堯翛然出塵志不爭
市與朝此中僅如礪世網宜可逃吾生得居此散髮堪
消搖更與瘦沈偕可使鄙吝消山水忌繁華真境出寂

寥但吟西谿梅嬾踏西湖橋何時使願果相從泛輕船
雙鳳村居後有隙地雜栽花木兼種瓜蔬謀葺屋
三間顏曰抱灌軒詩以誌之

鳳凰村畔得吾廬艾席葭牆稱隱居織楚成門通步履

沈約郊居賦織宿楚以成門

嚮明鑿牖便觀書看花有意先栽樹食

肉無心且種蔬搨搨敢辭朝甕汲非材自合老耘鋤

小葺茆簷不厭低倦聞剝啄願幽棲謀生恥學烏銜肉

卜築聊同燕壘泥墾岱榛荒須健僕安排井臼任山妻

從今汜勝書宜讀春韭秋菘仰一畦

故鄉只合暫時歸兩版蕭然闔短扉喬木百年門巷改

我冠四姓老成稀鵬蜩且莫論高下鴻臚何須辨是非

自昔英雄曾種菜桔槔長息漢陰機

結茅何必怨喧卑浪走天涯昔夢癡貧似庾郎須薦韭

貴非魯相莫鉏葵敢同狡兔謀三窟且穩鷓鴣占一枝

學稼未能先學圃於陵千載是吾師

仲叔何妨割宅居澆花種竹頗煩渠身因累重愁多病

兒爲家貧廢讀書果熟枝頭防啅雀萍開池面玩遊魚

濁醪數斗吾能辦弟勸兄酬樂有餘

童稚交游共里閔翻飛一去別離輕中年心事傷哀樂

晚歲親朋隔死生戴笠乘車虛舊約隻雞斗酒愧初盟

拍肩同輩多零落隴畔何人許耦耕

上海李明府過訪留宿夜話

結綬新來未卸鞍輕舟屏從到江干已從文卷知名士
更喜清流得好官艾席肯眠野老榻菁羹仍飽腐儒餐
盤根試手非容易剪燭西牕話夜闌
努力明時好濯纓新硯初看試專城古來吏治傳三異
世上官評首一清未免催科因壯縣喜無貲費是書生
琴堂咫尺絃歌近傾耳春風聽政聲

輓黃忍菴宮贊

物望驚嗟失斗南蒼茫星象揜魁三心通卦畫神曾授
性愛文章老益耽枕鄰今朝誰孟喜知言後世有桓譚
芙蓉城闕仙都在一夕天風跨鶴驂
塵拂脩然物外身偏於文字往來親任君愛客多名士

江斲移牀遠雜賓戶小喜看人共醉家貧每勅膳常珍
可憐撤瑟彌留日正值藤花照眼新

讀顧亭林集二十四韻

勝國遺民在貞心匪石堅江湖萬里逝妻子一朝捐玉
馬 新朝去銅駝故國憐冬青栽隴上麥飯灑陵前舉
目周黎盡傷心毫社遷蒼茫率曠野汗漫落窮邊孤劍
隨身倚征衫短後穿狗屠尋伴侶雞塞訪山川哀曲聞
翎雀遺魂拜杜鵑更無復楚地終換姓劉天設祭唐開
府逃名魯仲連毀形人莫識讒語世難詮家祀猶先臘
王春不署年登山臯羽淚泛海幼安船竟向深巖老羞
從故里還瞿硎甘隱遯賓石肯周旋氣帶幽并俠身經

羈旅便鬚眉應不愧要領幸能全耿鄧生平許義文晚
業專六經資講授八體辨沿緣短硯磨將破麻鞵走欲
顛春風繡嶺樹秋草故宮煙 聖代褒忠義高文託簡
編大名知不滅終竝日星懸

過黃浦

風浪全消短櫂催紛紛細雨點輕埃魚蠻網罟沙邊集
賈客帆檣海外來月影倒看天上鏡波光平似手中杯
衰年羈客非吾事早晚乘潮放楫迴

過上洋

壯縣今初過風吹海氣寒魚鹽喧市井蠻舶聚江干椎
擊民風健琴歌吏治難艤舟裁半日不是爲豬肝

次韻訓周修閻

生平心計鄙研桑帶索行吟莫漫傷擘鏡自憐宣髮短
讀書偏愛隙光長休思遺篋金千鎰且識殘編字幾行
麟角鳳毛人世少生兒只是祝尋常

贈南翔醫士王燦英

方術本自黃農始誰其繼之鵲與佗聖人不作仙人逝
紛然奈此羣醫何五行初不辨生剋六氣那復窮根科
麤讀方書窺本草試手輒欲除沉疴迴旋換易等射覆
萬里懸隔毫釐蹉參苓妄投即烏喙湯劑隱伏椿喉戈
惟君洞視見癥結長桑祕錄經研磨立起齊疔解煩悶
盡走晉厲驅群魔我生無病得天稟年來鬚髮皆蒼皤

藥餌苦爲妻子累扁舟往往煩經過收魂斗極只俄頃
如活槁木蘇焦禾安得如君數百輩盡治天下札與瘡
湔腸浣胃消沴氣揲荒搦髓回天和疇昔傳聞由衆忌
亦如醜女憎媼娥訛傳君已物故李醢要遮殊可畏詛終無損
姑由他惜君一手難徧療拍肩屠伯今方多諸家且莫
怒生癭我言質直非譏訶

送吳條聞赴望江學官

詞宗家世演綸才暫耐清寒絳帳開祭酒風流王儉杳
廣文詩筆鄭虔來峰頭樹色連彭澤江上潮聲入大雷
到日秋光應漸美憑誰共把菊花杯
吏道多端尚未澄儒官尤訝溷淄澠賣漿賈豎臯比擁

斷乳兒童講座升橫舍幸看來碩學諸生從此得師承
屬君醜酒登高會一酌當年麴信陵

王鶴尹輓詩

詞壇早歲主齊盟第五何慙驃騎名自許朱弦心勁直
人嫌青鏡眼分明長城截業詩爲壘觴政森嚴酒是兵
執手臨岐猶灑淚窮天訣別若爲情臨危呼子輩訣別

樂府清詞傳唱新典衣貫酒爲留賓堂前不坐伊優客

後漢趙壹詩伊優坐堂上

戶外頻來問字人撥遣閒愁聊顧曲縈牽

繼體暗沾巾

庾信傷心賦至於

文章世上渾無用合向

鄴宮頌帝晨

高標卓峙自精能恪守家風應準繩歿後閭門摧砥柱

生前物論忌鋒稜鬚眉軒豁看談笑肝膽輪囷向友朋
交道從今那可問哭殘秋草亦霑膺

崑山徐藝初侍御枉過留飲是夕雨

歐陽門下老門生世好相親比弟兄
病退喜看仍矍鑠交多猶自愛將迎
乍辭列鼎侯鯖味來試貧家瓠葉羹
欲挽華軒苦無計恰聞秋雨滴簷聲

依然豐碩舊神姿綠酒雖斟未滿卮
起廢從他誇病顙

見柳河東集 衛生暫合避修眉西園公子才無敵東閣郎君

身不貲唐人呼座主之子為郎君 只恐姬人嫌服散陳江摠有姬人怨服散篇 三

年宋玉隔牆窺藝初言已獨處三年故有此戲

秋雨不止書悶

吾里產木棉利可奪桑麻初秋一雨後濯濯吐黃花
含苞孕柔臬軟煖資萬家坼裂待秋陽獵獵西風斜
捆載走四方閩海通商艤織女梭不停鳴機日伊鷗
織成白氈布幾埒紈與紗恃此守瘠鹵不復祝汙邪
每逢白露下仰視愁朝霞奈何十日雨狼藉委泥沙
泔泔聽簷溜萬口同咨嗟

炎天困鬱攸每憶秋雨好梧竹清有聲
蝨蚋跡如掃况欣剥啄稀簡編得尋討
及茲害西成矯首祝晴昊吾鄉百萬田
漂沒隨秋草豪家千頃多同日逢霖潦
我田曾幾何安用傷懷抱雖無三冬棉
尚有百斛稻新涼蘇病骨布褐換輕縞
且還讀我書坐待日杲杲

讀列朝詩選

一代詞章綴輯全
烏言鬼語入餘編
獨將死事刊除盡
千載人終笑褚淵

高下從心任品裁
東林意氣未全灰
看渠筆舌風霜在
猶是當年舊黨魁

東江詩鈔卷第六

東江詩鈔卷第七

太倉唐孫華實君橐

受業陸

師巢雲編

桂

高秋金粟正離離
攢植成林得地宜
黃綻早先籬菊信
碧寒仍帶礪松姿
聞香不辨誰家樹
落子疑從上界移
競說國書方薦士
何人折取却詵枝

抱灌軒落成

五畝園林枕水濱
條然物外遠塵氛
敢同華屋糊楨壤
却喜空堂輟斧斤
曲檻逶迤能受月
小池清淺亦涵雲
編茅緝葦非容易
記取經營半載勤

塞徑茅茨手自刪，枳籬葦壁當柴關。修篁隱樹臨流水，
叢桂留人即小山。射得桑弧曾萬里，歸來蓬屋只三間。
長安却笑朱輪客，白首何嘗一日閒。
竭來喜值桂初穠，茗椀蔬槃佐客供。窈窕虛廊如小艇，
參差煙樹似層峰。月升平野冰輪大，花占空園玉露濃。
莫笑礙眉居褊狹，竹牀韭几儘能容。

同年楊昆濤侍御輓詩

近得遷鶯信，俄占止鵬凶。一朝聞化鶴，幾日看乘驄。賀
弔同時至，悲歡兩月中。書生多命薄，誰復似君窮。
百里非賢路，循良亦有聲。蕭條山邑苦，羞澀素裝輕。家
食淹三載，朝班望一鳴。西臺官自好，只博寫銘旌。

密戚兼同譜，金門憶共登。衰遲慚我拙，倣羨君能方。
欲迎妻子，誰知棄友朋。西華葛帔冷，觸目淚霑膺。

贈借山大師

愛君清句似參寥，天外吟心出次繆。半榻閒雲分翠岫，

一庭秋雨濕紅椒。

紅椒師所居菴名

名山有約時攜屐，野客來

尋嬾過橋愧我疎。慵難入社江湖冷落舊，詩瓢

壽王戒菴先生九十

灼灼桃李花，春晚還飄零。丸丸泰岱松，千載鬱長青。先
生秉高節，超然久鴻冥。關閩得理奧，洙泗傳遺經。燕居
萬慮寂，無欲心常寧。宗族方貴盛，鳴珂咽輜駟。雅志避
騶哄，插籬隔門庭。徒步當車駟，清齋厭肥腥。歸然魯靈

光鄉邦式儀刑足知仁者壽養神非鍊形抱德飲天和
榮枯任月莫引年由道勝何用求豨苓

人生有稟賦先生獨也正希夷太古風澹泊君子性仕
止總無心出處兩不競薄祿守儒官正襟談孔孟亦復
試弦歌治化本清淨仁心煦凋氓道力制競橫乃知儒
者材非不優從政時世苦難諧志業惜未竟投劾賦歸
來進退吾有命白髮映蒼顏神清骨逾勁我聞古聖人
陰陽不能病當為吾道宗寧惟鄉黨敬

冬晴

冬日晴可愛無風即成暄今日好天氣寂寥掩蓬門短
景羲馭急飛光上西軒亭亭駐晚照藹藹含春溫爐火

縈香篆硯池銷凍痕曝背有至適狐貉安足論臨窗繡
卷帙賴此窮朝昏舉世逐聲利風埃方競奔誰能享此
樂可與靜者言

呵硯

趙松一約題

硯池冰皴欲生紋握管誰能待日熏試手漫憑腕際力
濡毫先藉口中芬凍痕吹滴三秋露墨氣噓成五色雲
安得捧持煩翠袖絳脣餘煖借蘭薰

煨芋

風物田家稱歲寒蒸炊何用釜鬻寬岷山斲去多遺種
錦里貧來得晚餐味淡不須鹽豉點火淡恰共土毛乾
鵝陂豆飯堪同飽

漢書翟方進傳飯我豆食羹芋魁

富貴無心問懶殘

踏雪

愛看飛霰縞林坡高臥誰能閉一窩偶到門前披鶴氅
間從溪上逐漁蓑馬蹄亂蹴銀盃碎韓詩銀盃逐馬蹄鴻爪翻
飛篆跡多自是詩人須耐冷吟鞭不厭灞橋過

圍爐

光搖四座氣氤氳休辨桃紋與鵲紋宋時諸州貢炭以胡桃紋鵲鵲色者
為佳豈有沉香供夜燎未妨楮袖帶煙焚眼明恍似紅霞
照耳熱非關綠酒醺莫訝龍鍾白少傅春淡爐火悵離

分樂天有別春爐詩

臥聞雞鳴

高眠夢初覺喔喔聞雞鳴憶昔疲道路聞雞起五更乍

看落月低結束事晨征羈宦參郎署厭此真惡聲倒衣
趨闕下朝會忽已盈今歸臥田里世事了不攬老愛布
衾煖閒憐髀肉生因思天地間萬物各有營三號漸催
曉羣動紛縱橫衽席或生疾懷安實敗名暗蹴劉琨舞
危速田文行雞人職嘒旦用傲昏昧情古來英雄人聞
聲各心驚而我竟何事勤勞百無成身外馳騫息胸中
塊礪平何須此物聒使我心怦怦敲枕續殘夢朝氣神
魂清須臾視牕影紅日曛曛明

對雪有感兼懷雙鳳村居

昔年道塗雪蹇衛衝風颺旅亭乞束緼薪溼帶煙燒又
憶長安雪凌寒趁早朝羊裘汗泥土敢羨狐與貂對雪

輒愁歎安得見現消今茲臥茆檐飛雲愛飄蕭
寒埽蟲孽餘潤滋麥苗我方逐田父相隨荷
鋤耜荒村有敝廬頗覺野興饒想當積雪後
一望鋪瓊瑤落屑低徑竹綴玉肥寒條沽酒
聽鳴屐負薪看歸樵豈如旅客苦擊面吹浮
漣林泉足清景我思汎輕橈

送汪梅嶙還徐州學署

關河飛雪正漫漫兩槩衝波犯曉寒絳帳生
徒仍擁座黃樓風月好憑欄每因親老思歸
里暫乞身閒望改官莫厭廣文冰署冷折腰
有吏更艱難

和友人郊字雪詩三十韻

宿霧埋重岫彤雲黯遠郊詩徵集霰候易應
履霜爰蕭

颯嚴飈動淒迷朔氣交斜穿珠箔入密聽紙
牕敲添白

肥梅蕊垂青壓竹梢蹋泥鴻印爪封樹鶴疑
巢雜還冰

花亂繽紛碎米拋蘇詩暮雪紛紛投碎米蹊荒樵路斷凍合賈船

膠盡室遮簷瓦連村覆屋茅燃松連楮炊桂
競芻茭

堅臥常蒙被徐行待轉胞嵇叔與山巨源書每常小便而忍不起待胞中畧轉乃起

耳光搖微月映日瘦冷雲包霽薄難成溜煙寒不起庖

簾幃迷夜旦屐齒誤堂坳敝牘蘇裘在穿從
郭履嘲烹

茶煩帚扱煨芋當毛炮得句憐肩聳觀書倦
手鈔霑帷

驚曳縞吹面劇鳴鶻頻訝膚生粟誰看汗浹
散紇干悲

凍雀淵室蟄潛蛟菜甲愁淹沒薑辛點藪肴
飄颻旅客

苦搏弄小童呶皎潔防塵滓消融悟幻泡豐
年占黍稌

應得潤肥境

輓磐菴弟

憶昔我與君同歲登科第出入每隨肩連村映萼棣我
衰君少年姿容復瓌麗謂當踐要津逢時顯經濟我方
官銓曹子隨投牒例留居我邸中盤餐共麤糲筮仕得
海邑清操自濯厲閭里息鬪爭父老歌慈惠及我使
浙中共子論文藝夜雨灑青燈秋風綻丹桂鎖闈浹二
旬臨文心眼細政成蒙尉薦塵埃始蟬蛻北行復過我
茅齋得小憩別酒未盡觴片帆鼓蘭柁聞君在征途暑
雨遘疾癘又聞已全瘳攝生賴調衛及乎擢諫垣得近
天顏霽方當整風裁忼慨陳國計念君篤孔懷繾綣

久無替望我身顯榮朝班得同躋

去聲從孫恂韻

趣我京洛行

責我鄉園滯君幸雲霄翔我甘蓬藿翳一見君騫騰半
當我遭際同年凡五人竝乘搏扶勢同里楊侍御早秋
溘先逝今茲凶問來嗚呼乃吾弟始聞蹇行步朝堂苦
疲曳乞假正南歸仲冬可把袂輿疾至易京奄然續息
閉人生誰不死哀君猶壯歲未試剗犀鋒已折干將銳
五人竝登朝二人早辭世孤旒凌風雪關河正迢遞
我老顧尚存眾眾悲杜杖惜哉峙玉姿遽此黃壤瘞靈
輻何時歸無由致薄醊巫咸不可呼臨風獨揮涕

讀柳詩

柳侯文章首本擅絕塵姿千載匹韓公聯鑣竝爭馳少

年急功名失足落蠻夸當時主事權實惟文與伍更張
太息遽怨謗紛相隨劉柳非其倫刈蕭并焚芝平心論
時政豈必盡營私官市黜白望五坊罷小兒兵權奪宦
寺孰謂非時宜韓公遭貶謫諸人失維持漏泄謂劉柳
責望致嫌疑既編順宗錄復作永貞詩筆誅比檣杞罪
恐不至斯流傳入史牒後人爭詆謫我獨憐柳侯人文
竝瑰竒荒阨感遺愛廟食繫謳思搜抉窮山水跌宕成
雄詞韓公晚悔過為作羅池碑柳詩故無多杳渺鏗朱
絲閑澹出精麗沈憂弔湘纍上揖陶徵士下凌韋左司
惜哉曠世才末路生瑕疵不如劉賓客收榮黃髮期三
復囚山篇潜然有餘悲

癸未元日次王隨菴韻

冰霜歷盡乍班春草土餘生未出屯久拚桃符仍舊革

謝朓書寂寥舊革

閒繙莫曆撰良辰黃墟苦憶同遊侶白髮孤

留健在身獨羨王維老逾壯新詩試手已如神

生平一飽不求餘野老占年想夢魚寒雨無人過陋巷

春風有約到蓬廬杯鎗化去書猶在井稅蠲來篋轉虛

自笑辛盤酸薄慣聊將山藪點梅諸

禮記內則有桃諸梅諸謂以桃梅為

也

再疊隨菴韻

斗柄迎回十日春寒林蕭瑟氣猶屯生涯尚未呼庚癸
厄歲仍欣過已辰少壯已成虛費日衰遲恰比閨餘身

星星在鬢真堪慰休向蒼華祝髮神

樂天有祝蒼華詩蒼華髮神名

衰年髣髴燭光餘猶向殘編作蠹魚過眼市朝如夢寐
側身天地一蘧廬繅成已覺蠶絲盡珠吐終憐蚌腹虛

競說春關方決勝誰當出匣試扁諸

吳有扁諸之劍出越絕書

三疊隨菴韻

繁華歲事總爭春物理應無到底屯蟄久寒蟲將出戶
月令蟄蟲坏戶臘過凍草漸逢辰一杯猶剩殘年酒再拜須寬

老病身百疊紅牋修版謁嬾隨時輩鬪精神

棲息衡茅六載餘垂腰何必定金魚已安環堵為吾室
休羨承明別有廬筆硯疎來豐暇豫葵菁茹久得清虛
間身檢點桑榆計只合漁樵老孟諸

伏聞 上從學士臣揆叙俯詢臣孫華安在何故

里居又蒙 天語垂獎學問感恩自愧恭賦四首

久辭珂笏別修門豈意疇咨動 至尊瓠落江湖非世

用棲遲畎畝總 君恩重詢徐樂今安在自愧虞翻老

尚存漫想枯株出芝菌餘生何路答乾坤

生平學問本庸虛齧翰殘藤老蠹魚從獵敢成熊館賦

尋章麓解兔園書腹空何補亡三篋頭白誰能讀五車

欲繪天台無藻思媿他孫綽未能如

上以詞臣孫致彌與臣孫華並稱

憶從便殿覲 龍光咫尺青蒲近 御牀人立雲霄秋

正爽題頒閭闔日偏長賜餐飽飫 天廚饌落筆爭圍

學士牆久卧衡茅蒙 主眷猶從巖穴訪行藏

未到秦川便 詔除含香出入近 宸居察廉恪守周
官法持節叨乘漢使車報國無功虛廩祿思親不逮合
田廬臣今已老成何用宿負須酬未了書

人日王南湖郡丞招同老輩交香館話雨

分得十
四鹽

輕埃散點正廉纖人日招邀老興添春氣逢陰猶帶臘
冰花間雨未成鹽詩供洛詠才好語雜齊諧妄不嫌
沈醉歸來街鼓動已看小閣挂明蟾

戲和礫圃橘燈

手香新剖取中空火齊光搖一穗烘萍斗略輸楚水赤
蘭膏添染洞庭紅風微好護丹房淺質弱難勝絳蠟籠
懸向華堂休早滅夜棋恐有兩仙翁

仲春鴻雪堂讌集

春風澹蕩春日和春煙微抹春水波不逢良友展歡笑
坐愁奈此春光何非無山川足登眺牽率未暇成蹉跎
豈如招邀就近局高朋不速聯翩過連茵接席雜少長
頗衰老子容婆娑喬木年淡竝蒟蒻愛小山石立留嗟峨
朱棟未看來早鶯黃醅乍對憐新鵝戰碁鬪茗各有適
脫冠露紉無譏訶日晚林颺漸蕭颯縱飲莫惜朱顏酡
自是清遊宜及蚤須防風雨春來多

送少宰王顥菴先生還朝

恩恩扈 蹕許東還地逼中台髡未斑酌酒有恩容上
塚圍碁無暇更登山巖廊正仰夔龍切泉石應留猿鶴

閒莫訝軒車爭擁路國人方憶葉公顏

一別鄉園歲月淡依然
晡夢舊芳林
鄴侯本有還山志
永叔非無思穎心
黃閣由來情似水
蒼生無那望為霖
待公濟世功成後
岫幌雲關好細尋

哭座主宛平王文靖公

國門未出到三公元老勲名孰與同
慎密身超羣議外
調和功在不言中
兩朝恩遇傾今古
一德君臣善始
終歎息洪流摧砥柱
懷英歿後廟堂空

黑頭暇豫到黃扉
福命遭逢曠代稀
幾載風波常坐鎮
一言剖決定當機
功名世上從無忌
富貴人情不道非
溟竭山空爭悵惋
纖鱗弱羽復何依

愛才誰復似平津
寒素登堂禮必鈞
閒有親朋偕賭墅
醉從狂客吐車茵
月明綺席花燈夜
日暖豐臺芍藥春
榮樂終身無悔吝
只今屈指一完人

瘦僮蹇衛洛京遊
曾夢台衡折簡求

孫華於甲子春入都旅次夢公以名

東相邀後戊辰會試果出公門下

行卷文章蒙許可
後堂絃管得淹留

門牆定有前因在
恩義難期異日酬
遙望長安空灑涕
無由慟哭過西州

立夏日抱灌軒雨坐周羽良樂友顧峙宗枉過小

飲

陰雲垂幕蔽朝暉
寂歷林亭晝掩扉
牕外鳴鳩催雨急
枝頭啼鳩喚春歸
摘來梅子青猶小
落盡籬花綠正肥

最惜芳菲好時節，
息息把酒送靈威。

幽居暫得避諠譁，
薪米麤供便是家。
積雨任教碧蘚合，
春風不受綠陰遮。
新篁乍長猶銜籜，
豆莢將成尚帶花。
老圃莫嫌無遠志，
絕勝羈宦滯天涯。

風搖草樹影扶疎，
攤卷焚香愛索居。
疏壤雨餘林有筍，
孤村日晚市無魚。
客來共酌新開醞，
眼倦聊繙數見書。
安得平添數間屋，
便從此地老耜鉏。

柳絲如帶草如茵，
轉盼恢台夏氣新。
茗椀熏爐銷永晝，
斜風急雨送殘春。
短籬不隔鄰家樹，
疎竹容窺陌上人。
半世風塵驚噩夢，
從今乞得自由身。

春日同張蒿園王南湖顧峙宗遊虎丘

近人澗壑倍知名，
徑熟偏欣步履輕。
鶴市何年沈玉貌，
魚腸自古閔金精。
山川難向塵區得，
天地長留片石平。
終是吳儂解妝點，
遍栽花竹候霓旌。

四月二日王南湖郡丞招集東園

數與華堂宴復此，
尋東園細石成山路。
清渠帶籬門，是時夏序淺，
扶疎嘉樹繁。絲雨潤衆綠，
輕颺蕩微暄。展席高臺上，
花氣入芳樽。萬木森出屋，
一峰正當軒。檀欒碧筠長，
窈窕紅藥翻。扁舟漾水裔，
杳渺疑仙源。安得時來遊，
卜鄰就村煙。

置酒宜擇勝，無如此地偏。
華榱面芳野，敞閣俯澄淵。
躡步陟危磴，谷鳥導我前。
緬惟初建初，揮水出金錢。
承平

富物力胸次羅山川築室可一朝種樹須百年自非喬
木古何以壯林泉潤色擴前規尤賴後人賢不見他家
園荒榛起寒煙

四月七日攜家南廣寺飯僧

精廬遠城市南郊愜幽尋香滿空虛界風傳鈴鐸音時
逢朱夏淺高樹正陰森印公天人師道俗夙所欽誦經
不出戶法堂靜悄悄紅樓嗤廣宣黑衣鄙慧琳邇來方
外侶風塵走駸駸側目窺 帝所攘攘逐朝簪惟公獨
翛然聲利淡無歆延我飯蔬筍傑閣同登臨駛雨忽傾
注竹風滌煩襟須臾復開霽夕陽明遠林鷓鴣巢滿枝
羅弋不敢侵階庭有馴鴿園墅無驚禽飛翔得護持足

知慈佑淡常願依初地觀空澄道心

王南湖郡丞謀與余修雙鳳關壯繆廟書以示勸

炎漢昔標季羣雄恣搶攘樓桑出異人王氣餘芒碭矯

矯壯繆公忠義何慨慷馳驅共艱危王室期同獎罵絕

貉兒婚封擲阿瞞賞七軍既淹沒九州應唾掌運燭赤

帝靈姦伏白衣槩嚙足符妖夢

蜀記侯初出軍圍樊夢
豬嚙其足語子平曰吾

今年衰矣千載為悲愴頭行目猶視身死神終王玉泉飯僧

伽鹽池埽魍魎精光燭日月祠廟蔽天壤惟茲鳳凰村

廟貌自元昉締構出輪般意匠絕摹倣名神降影潭蒼

髯肖遺像翁媪競奔趨簫鼓陳祭饗筵筭決羣疑杯珧

啓愚罔凡民有禱祈受命捷如響稍嫌規制狹不容旗

五丈日久漸摧頽，堦除翳宿莽，垣墉穿鼠牙，帷座懸蛛網。我欲助經營，囊空但悒快。惟君篤高義，奮袂決吾往。庶效將伯呼，相勸出私帑。苟舍改喧卑，前廡得華廣。威神實鑒臨，赫赫行天上。冥報當相詒，百福來盼饗。

次韻答毛端峰

年衰迫崦嵫，宜言不宜慶。酌我猶鄉人，繆展斯須敬。九品居末流，未敢齒中正。魏晉有鄉中正以九品論人髮短不滿梳，面顰羞對鏡。宦無三徑資，坐有一瓊牘。讀書漸昏矇，掩卷忘名姓。狷狹匹夫志，檢押婦女行。無材得閒居，心跡共幽屏。時時從君遊，清談間高詠。風騷大將壇，金鼓聽號令。論詩復毛萇，學禮兼戴聖。譚經腹笥便，落句筆弩勁。

齒宿尚未衰，家貧本非病。蕭閒達人心，澹泊君子性。與君附同庚，比肩恰相稱。雖慚蘭艾殊，許竝壘篋應。記君懸弧日，正逢秋氣盛。未嫌白髮疎，却喜黃花映。調高攀和難，絕唱那可更。愧無青玉案，錦段空貽贈。

次韻答王隨菴

臧否無言仰嗣宗，敢將末技擬雕龍。藏身且築袁閔室，避世難求秦系峰。暑雨苔衣生四壁，秋風茅屋捲三重。年來頗覺衰慵甚，服餌應尋五粒松。

陵茗蕭颯感秋先，休憶長安近日邊。鄉里浮沈希善士，洛中游處愧諸賢。巧輸司馬難從宦，才避元龍合問田。村圃早謀栽竹桂，生涯一壑尚能專。

次韻答倪草亭

十年蹋遍化衣塵故里重逢翠陌春
馬齒謬推流輩長蛾眉難學入時新
近移叢桂多垂粟舊種山松漸作鱗
遙想長安珂珮客火雲夾日炙雕輪
生平恥作蟻營羶邨圃荆蓬手自編
身已無文甘就隱世方侮老愧增年
逢時休羨金魚佩對景思傾藥玉船
最愛倪迂新句好拍肩可許逐詩仙

次韻答吳振西

友愛同羣樂才推少俊豪風流餘此地
文酒復吾曹觴至溪風入詩成嶼月高
追陪偕數子隨處即蘅臯萬里桐花路
天然鳳翮殊少年無此士今日尚爲儒
屢

泣山頭玉頻投暗裏珠家園雖自好莫更戀敬湖

七夕喜雨

黑雲黯曖沒銀河露灑應蘇欲槁禾
拂樹有風來少女穿鍼無月掩姮娥
鵲迷難認填橋路龍起疑騰織杼梭
遙想星津正清淺今宵添得飲牛波

火雲旬日坼焦原瓜果初陳急溜翻
笑靨雷光開玉女洗頭雨似爲天孫
農家且穩魚羹飯貧室忙收犢鼻褌
有巧須從蒼昊乞一傾靈液徧乾坤

永嘉令馬公死寇難令嗣觀察公請於朝賜謚

忠勤索詩

伏波銅柱擅家聲小試東甌十雉城
謝客琴樽方暇豫

盧循烽火忽縱橫
虬蟬援絕當流矢
雀鼠糧空自結纓
大纛高牙多委竄
捐軀誰料是書生

青袍白馬塞甌閩
一命官卑大義均
豈有兵符麾士卒
要將完節感臣鄰
君王未識真卿面
戰陣甘捐先軫身
尚念主恩無報答
生兒留作報恩人

伏蒲竟許叫重闈
特降天書詔命溫
幾見易名旌縣令
難忘異數是君恩
即看螳賊殲
裘甫會有鴻文誅

馬敦

潘岳有馬
汧督誄

主聖臣忠兼子孝
長輝汗簡照乾坤

訓後遺規問鑿楹
使君重見擁高旌
楚江按部三湘靜
吳會持籌一水清
溫序英靈歸兆域
李愷孫子到公卿
家門存歿露殊寵
惟有忠廉答聖明

長夏閒居雜感次隨菴韻

空林終日鳥關關
三徑人稀蘚跡斑
筆苦蠅縈思便擲
草供蛙吹不須刪
心緣有競都難靜
境到無求始是閒
可奈炎官偏久駐
秋風屈指幾時還

蕭條窮巷少人來
救點青錢石上苔
避事任教蓬戶掩
論文還許草堂開
欲尋深葉從蟬翳
暫捲疎簾候燕迴
一榻翛然塵累遣
隱囊麈尾亦悠哉

水痕日日減溪濱
翹首重霄但赤氛
玉女電生疑有雨

美人虹起旋銷雲

美人虹見
毛詩注疏

零壇禱祀空相望
靈璫淡

沈竟不聞一勺天
瓢沾漑足何人能
策衛公勲

居然蓬葦似山阿
一室商聲足嘯歌
秋髮已憐絲竝亂

詩腸苦與墨同磨時逢炎景歡娛少人過中年感慨多
老馬凌兢甘伏櫪讓他駿足驀層坡

赤日黃埃賴客顏投林暮鳥倦飛還籃輿偶亦經旬出
竹院時尋半日間邨圃初成思灌植名山有志怯躋攀
邇來學得長生訣要使心同木石頑

晚秋獅子林小集

絮雲絲雨淡秋容偶過精廬策短筇三徑林香穿竹樹
一池波影漾芙蓉談淡坐聽敲牖葉酒醒遙聞隔院鐘
老佚正宜尋僻地詩囊韻牒許相從

沈寥天氣正蕭辰淡竹間房遠市塵檻映孤花宜靜晝
目空穠豔勝芳春禪關蕭灑松枝塵處士風流墊角巾

朱子雪鴻
巾褐在坐一飽行廚三歎息江淮大有阻饑人

臈月集太微觀

寒雨濕初乾淡日漏林罅偶集羽人宮黃冠爭出迓歲
事方刺促乘此一日暇精廬淨無塵虛榻間可借已將
蠻榼攜復喜清觴瀉試嘗玉糝羹不羨子鵝炙院西存
古丘樵牧恣凌藉不知何代人杳杳即長夜華屋曾幾
時飄如逆旅舍門外臨廣場聊學矍圃射我無彎弧能
寸管或可把寒風吹枯枝分手趣歸駕暮色起平疇黯
黯日西下

題郭斯士先輩遺像

立志期爲觀國賓豈知滄海忽揚塵烽煙頃洞飛鳴鏑

風雨淒涼剩角巾，蹈海欲追齊義士。沈淵難做楚靈均，
戴天履地恩須報。一念遷延為老親，明亡後欲蹈海而死友人勸以親在不果
黑風濁浪海邊邨。極目煙塵天地昏，豈有簪珂忘國恥。
即看逢掖是君恩，清流幾逐彭咸跡。望祭空招開府魂，
當代人倫郭有道，披圖猶見典刑存。

甲申元日

眼看飛光激矢催，牖門綵帖又新裁。早辭版謁侵晨客，
羞把屠蘇最後杯。半夜曆從燈影換，三更春逐夢中來。

除夕亥刻立春

倘遲片刻邀青帝，更覺天公省兩回。

東坡元日立春詩省

事天公厭兩回

毳裘臘煖任蒙茸，曉起還添敝緼重。暮景人憐過一歲，

春寒天欲補三冬。雞豚近局尋鄉社，水旱占年問老農。
淮北饑荒頻見告，屢豐可獨餉吳儂。

三月十五日創建育嬰堂紀事二十四韻

好生由帝德，濟物本吾儒。念此孩提小，須憑母氏劬。綠
囊書未授，葦篋死何辜。貧室憎疣贅，豪家即掌珠。豈緣
心獨忍，直為口難餬。未得辭懷抱，翻然擲道塗。放麇慈
已斷，舐犢愛全無。物等離餅棄，恩慚擁樹扶。義殊縛子
鄧，酷類盪腸胡。司命何多事，浮漚付一軀。生來誰辨姓，
父在早成孤。宛轉看垂絕，辛酸聽泣呱。吾宗仁者性，家乾
九太學首創高義，古人徒困橐。先傾倒金錢，共委輸招呼。來
衆媪流落，拾諸雛。卜築辭湫隘，枝撐立棟桴。經營分廩

餼揖擋及裙襦匍匐應知免軒渠喜更蘇有兒當字賈
吞指莫忘吳煦嫗 皇仁洽飛蠓 聖澤孚禽知憐鷄
卵蟲解愛蒲盧功倍千人活恩流百世俱天胎懲月令
亭育補洪鑪盛事留堂構他年永勿渝

東江詩鈔卷第七

